

981.53
50021

溆浦县志

淑浦縣志

潯浦縣志卷之三

同知銜署潯浦縣事山右齊德五王修

山水

漆園吏言天下名山三百支川三千尙矣又慎子云兩山並驅中必有水理固然也若夫山不童而用贍澤不弊而養足尤不啻爲吾潯言之矧成平日久生息日繁毛方瘠哲專長黑津之傳急於資生其所謀烏能出艮峙坎融外哉前志以登高臨流民勞可念刀耕火種旣已借助於側嶺危峯而涓涓者流鳴於溪澗復爲之瀦濬疏導以浸彼稻田則又莊叟所云種有幾得水則爲鬻者之明徵也然則山水之書亦期於人有濟奚取於探奇選勝侈言夫福地洞天也哉志山水第三

山

縣治祖山自與沅陵連界之紗帽腦至絲茅坪道官屯坑家陀過脈爲廬山由廬山竹坡坳等處北折而至縣城

華蓋峯城內主山高約數十丈迤北而東脈連桃谷道光元年移

文廟於山之顏登高憑眺烟火萬家繚白縈青宛然圖畫下

石壁陡立前令荆名柯鐫華蓋標霞四字於上

文蔚山東關外脈亦自桃谷來與華蓋峯斷而復屬爲廬峯書院

主山諸峯環峙襟帶雙江上有池枯旱不竭名曰豹池以符文

蔚國朝邑令陶金諧月夜遊文蔚山詩不謂中天月能令舊

靈如新雙流浮素練一氣俯蒼旻山色宜良夜春風似故人英

律乘時令郊原入望新嶺明山戴雪林暗柳矜春歲蝶依芳草

遊魚聚綠蘋丹鉛多暇日吟賞趁良辰邑紳舒才博文蔚山

春望詩三春恰好日遲遲文蔚山頭入望時如雨落花紅萬點

弄烟垂柳綠千枝丹青難寫王維畫錦繡堪吟杜甫詩最是子
雲登眺處韶光滿眼不參差邑紳舒其錦文蔚山春日用
先大父原韻詩攜將遺硯感來遲滿目山光憶昔時出谷新鶯
流逸韻巢松老鶴借高枝業勤欲進韓公解德述宜陳謝客詩
學海春融瀾有本漱江西下綠差差

鶴鳴山城東數百步下有道觀名景星湖南通志作鷄鳴山誤

明邑紳鄧啟愚鶴鳴山詩別去此山久到來塵夢稀鶴鳴如識
客雲散不粘衣露溼苔痕冷窗寒月影微何當嘶馬處重與紫
芝違邑令石文成景星觀詩招提暑不到水石此中佳馬滑
新晴路人攀欲墮崖松風清入戶竹影亂侵階坐久微鐘動山
僧供午齋邑庠賀嗣英九日登鶴鳴山詩九日蕭蕭葉戰秋
登臨端愛四山幽仙蹤欲覓空鳴鶴機事難忘轉羨鷗短鬢怯
風防落帽香萸釀酒暗銷愁歸來路澗天將晚城郭參差月滿
樓邑紳舒正璧鶴鳴山詩一城環激水古寺綠陰中日暖花
香遠鳥啼山影空倚牆疏古木啟戶沐清風石磬聲飄逸行吟
曲檻東

鐵牛山縣東五里水溢爲患人鑄鐵牛鎮之邑庠舒才大鐵牛

雲藏古寺幽修篁侵徑曲危石咽泉流瀟瀟灑灑宜長夏清涼得早
秋禪心邀皓月莫更覓騎牛

中華山縣東十里孤峯秀出上有寺祈禱甚眾其陽爲太白山山麓亦有菴

金井山縣東十二里舊有淘金坑今廢

元蔡明淘金歌淘金戶淘金大江側水深沙淺淘

不得夜聞追呼來打門官司追課如追魄呼童挑燈取金看囊中祇有分毫積課多金少輪不及里胥怒嗔遭拘執賣金買寬限金盡限轉急往來坐牀頭妻子相對泣相對泣徒爲輸官難再遲南莊有田尙可鬻莫教過限遭鞭笞獨不見西家賣金仍賣屋戶戶通金猶不足按昔日麤金澈亦被累故從府志錄此

鞏鑰山縣東三十里週圍皆石高二十丈許袁志云前列龜蛇傍旋獅象南繞紅旗西盤花口

紅旗山縣東三十里高數百丈山奔平曠可屯數萬人五代時馬希範遣將收五陵蠻駐兵其上撤營後生野菜味苦可食呼爲馬王苦石壁鐫義蓮塘及孝感橋六字

按陶志謂袁志言紅旗山爲漢馬援征蠻過此望巖石上隱
隱若紅旗遂駐兵焉伏波兵扼壺頭山在今沅陵無由至潯
所語良是至云馬王苦爲馬希範收五溪蠻駐兵人採野菜
以食遂傳此名殊無所據石壁鐫字亦不詳爲何人何代也
龜山蛇山縣東三十里兩山對峙上建龍舌菴明季菴燬僧無意
重修

紫荆山縣東六十里高十餘里石磴連雲萬山奔赴亦憑眺之一
勝也

按紫荆山爲縣東最高之山有前後之分前山水歸潯浦後
山水歸新化羣峯巔劣雄據震巽五都諸水多發源於此明

流寓高應雷紫金山詩雲白山氣蒼山蒼日光紫上下數千
尺風煙木中起木蔚濃春陰石花繡紅蘂茸茸碧苔叢游鹿

紛如螳鶴寢千歲松獼猿拾松子乍接梅城天忽送辰江水
遙望大壑東恍惚靈巖址行者憚高迥庸僧潛棲徙我欲躋
其巔酒榻浮雲艤諦問苦提金云何結山髓國朝邑紳嚴
如煙有夢遊紫荆山詩名巒哭兀扶桑東晴天削出青芙蓉
徑梯盤盤九千仞闔闔只疑呼吸通白帝離宮竦西嶽一樣
兒孫俯羣峯我欲因之乘羽葆飄然謁帝清虛宮天門羣仙
相揖讓碧雲腳底生蓬蓬三十年來苦羈絆何曾探勝扶瘦
筇悵然供奉李學士時時天姥游夢中我與此山緣分薄乃
爲恍惚登崕從蛇徑灣環闢巖岫捫蘿徐上趾難容徙倚礚
石一迴首下視萬壑重重城市一氣不能辨素光蕩漾混
鴻濛力窮絕頂耳目異林端颯颯來天風古幹怪木森千萬
霜皴雷剝蟠虬龍亦有秀條與芳蘂嫵媚鬢影紛龍葱只恐
山精白日見或者巢居巖下逢手中苦不攜長鑱茯苓未斲
雲間松又覺有人奉流水幽泉落耳聲淙淙從此釣天聆廣
樂咫尺竟可扳璇穹平生結思玉皇側跪拜瑤階獻微悰不
信九關有虎豹到此忘我山林躬卿雲縵縵星爛爛一聲驚
入村落鐘嘆息人寰有絕境胡爲咫尺遺遊蹤輿地圖經都
不載負此萬尋碧玲瓏名山烟雲貯洞壑奇人星斗羅心胸
名山奇人喜相遇精誠緣之感天公起倚危欄一悵望翠崖
朝旭方瞳瞳

執刀山縣東六十里爲紫荆山分支

人坡縣東六十里爲紫荊山正支

望鄉坡縣東二十五里由人坡起分支而入止於橋江對岸再折而北

道士巖縣二十五里由人坡起伏而來其山秀拔望若筆鋒

礪巖山縣東六十里兩山對峙溪水中流

筆架山縣東六十里五峯如指翠巖連屬

棗子坡縣東三里

涼土坡縣東十五里

曹坡縣東二十三里

栗坡縣東三十里

土牆嶺縣東二十里

拖木嶺縣東六十里

畚刀界縣東七十里

黃油界縣東八十里

按兩界皆通邵陽安化咸豐九年澈辦防堵悉駐兵勇於上

黃油界據國朝名臣線國安傳云國安殲牛萬才於黃油

山

釣龍巖縣東十五里

黑巖縣東十五里兩崖相合高百仞寬數丈仰視天碧劃然如線崖半橫木板俗呼仙人橋前有溪中有石礮石榻壁間幽蘭叢生盛夏可避暑

赤巖縣東十五里

朝陽巖縣東三十五里高十餘丈懸崖陡壁挺然向東故名
屏風巖縣東四十里高四丈寬三丈許以形似名

詩住山縣東二十五里云昔有詩人住此故名

風坳縣東二十五里

虱漣坳縣東二十五里

戴家坳縣東三十里

葛家坳縣東三十五里木嶺池水出焉

李子坳縣東三十五里

傘匠坳縣東三十五里通寶慶府新邵路

梗李坳縣東五十里

杉郎坳縣東七十里溪口水出焉

雲洞縣東門外半里普化寺雲洞橋下卽雲洞溪相傳呂巖遊此

題詩石壁又相距里許有顏洞懸洞

明瀘溪進士李樂夏日雲洞山寺詩孤峯八面何

峻嶒清寂樓臺半古藤小徑雲間松繫馬上方鐘定鳥窺僧雄
觀海曙三千界秀覽烟山幾萬層蘿風六月涼侵體此景人間
得未曾留國朝典史賈倬秀有雲洞橋詩出郭慈龍碧樹齊小
橋橫鎖岸東西山邊徑滑苔粘屐谷口花香稻滿畦宿雨膩雲
遮古寺新泉漱石韻前溪鍊蛭仙客歸何處帶月徘徊記舊題

麻谷洞縣東十五里黃鐵鑪水出焉

楓子洞縣東三十里

潭口洞縣東五十里

和尚洞縣東六十里與新化交界罩溪水出焉

明月洞縣東十六里崑上有水團圞如月

邑貢生鄭如霆明月洞詩古洞長明月重巖

別有千秋聲聞五月世事幻千年橋說仙人渡門看怪石眠依
稀來福地覽勝比張騫邑貢生戴璠有記事之有其名者必

有其實然名可得而尋實不可得而見必因其所處之地與所
遇之人傳之而後名實彰彰也吾鄉東南有石壑焉里人名之
曰洞廣不過數十尋深入將里許左右層崖壁立下開而上闔
仰視天光僅留一綫中有一水自石壁湧出壁間連疊之池幽
深難測非極輕猥之人不能援攀而視人遂美其狀不可紀極
水溢而為溪溪之兩岸怪石橫豎如人獸形其不可紀極穴
中有芭蕉數十本雨露不霑而四時青郁人遂美其狀不可
石壁極高處有橋一通經千百年如新造然橋下有古樹大數
十圍枝榦扶疏蘭生其上隨風披拂人遂美其狀不可紀極
蘭鳴乎仙則不可知而池之幽邃蕉之青翠橋與蘭之險峻而
續紛皆非人世所恆見者為洞所有即皆可以傳三十六洞天亦嘗
有此否耶然則此數者為洞所有即皆可以傳三十六洞天亦嘗
曰明明月也余自少及長游息其中求所謂似月也又曰有石圓
光似月也余自少及長游息其中求所謂似月也又曰有石圓
所謂圓光之石亦不可得竊疑此洞之名無其實而走避洞中備
之多誣也丁未夏溽暑炎蒸不可耐因與家素臣走避洞中備
語洞景且告之惑素臣謂余曰公無惑焉幽異之境所在都有
在乎人之能取與否鉗錫非不佳也不遇柳子徙為箬簞所掩
石鐘非不異也向無蘇公終狗抱抑之陋洞之以明月名也豈
無因哉當探討而得之由是把酒坐石劇談竟日樂而忘歸有
頃村寺鐘鳴月上東山影從石縫中入映射池塘圓空瑩澈池
光反照石壁間明而不晦閃爍秋月余顧謂素臣曰子得之乎

向之所謂一泓似月者月也非水也向之所謂圓光似月者水也非石也夫乃悟洞之所由名而悔子之得其實者晚也且因是而有感矣士君子抱殊尤之姿僻處窮壤文章可以名世而先達不聞引援行詣可以維風而當道不假鑑識淪落圉圉而死巖穴礫礫與草木同其腐朽者所處之地為之也向使此洞而出於名都大邑豈不有王公大人為之遊賞以表其名豈不有學士大夫遷客騷人為之咏記以廣其實顧乃沈沒於荒烟蔓草止以供虺蜴之伏藏狐兔之出沒樵夫牧豎偃息而謳歌何莫非所處之地為之哉甚矣地之能囿物也如是乎微吾兩人又安能使此洞之名實可彰彰於後世也夫

書棋洞縣東七十里

狗洞縣東四十里

白羊洞縣東四十里油洋鄉

邑貢生向先閔有白羊洞記邑東四十里油洋鄉有古洞名白羊相傳

其中靈異類鬼斧神工種種不一余聆之神移思一得睹為快己已館徐氏家夏季苦熱僭童冠往遊焉入門僅尺咫內黝然泉流有聲雲氣吐納不輟命爇炬進劃然高竊地多淤泥曰滑泥坪常留巨人跡俯身而上兩岸峭壁千尋聞風聲怒號燈無瞥影者風洞也頓足轟然響震逾時者雷洞也穀霧霏霏露衣欲溼者雨洞也行里許有石凸出如蓮葉中嵌三杯圓潔似鑿

咸水可愈疾人吸盡則立盈者蓮花池也再行里許石面縱橫
斜方形同阡陌水之有無可驗歲之豐旱者千垆田也又里許
有二道一自左直上石壁忽合從小竇入水光激灩可褰裳而
過者沈家池也又數十武水極深莫測津涯者項家池也一自
右折轉里許有石屋穹窿曰觀音樓陡高十餘丈上有石龕嶙
峴中豎白石如觀音像旁有石柱一石鐘一皆雪色凡祈雨者
至此輒應自觀音樓左坡行數十武石壁四阻有倒洞二焉一
則乾隆年間有老巫嚴正本縋下遇仙而返後裂大石塞其口
一則至今尙存闊約二丈餘深莫測其底投以火炬下視若螢
欲更窮其境則慄風刺骨毛髮俱森從者相顧余亦神悸而返
夫以斯洞之靈奇如此固天地奧衍之區鬼神呵護之所有不
盡洩以示人者謹記之以俟後來探奇之士云

飛水洞縣東三十里在紫荆山下綠坡之上澗水飛落數丈有如

練然

望鄉坡洞縣東二十二里相傳有白馬夜出今封固

立起石縣東十七里在釣龍巖下高三丈圍二丈餘卓如人立

以上俱縣東

詔誥山縣東南十五里山形如展誥故名松口灣水所出

高明山縣東南四十里山上有洞

一統志

定功山縣東南七十里馬希範屯兵於此諸獠款服因名以誌武

功

兩丫山縣東南八十里高二十里修三十里雙厓礙日中開一門

峯峯爭勝各不相讓龍灣水分爲二一貫其中一循山後匯於

靈鷲山前曰雙江口

國朝邑令陶金諧有兩丫道中詩雙崖補天色角立非一狀如彼黃池盟爭長不

相讓煙松樹前旌風竹森嚴仗月吐青壁間晦明殊背向我行穿詰曲疑出青天上蕭晨登絕頂前峯正相望安得役五丁鏟此千崇障遠遊戒垂堂臨風默怙悵又再憩靈鷲菴詩下界煙初暝上方鐘未歇野寺無經聲月色在林樾少住便有情悲愉緣愛結三宿記枯桑扶筇待明發典史賈倬秀雨後宿靈鷲菴詩策馬穿山曲徑幽晚投蘭若雨初收雲生衣袖痕猶潤風度松梢韻帶秋碧水一灣鳴石上寒花幾點綻枝頭禪牀分得蒲團夢又被晨鐘撼客愁

杉老山縣東南八十里脈從磨架山來

葡萄山縣東南九十里脈從冷崎山來山頂小巒數十如落星昔
有道人種葡萄其上故名

葵花山縣東南一百八十里高十里麓曰茅坳

頓家山縣東南百六十里其巔曰老營坡曰牽牛營曰冷崎山曰
磨架山羣峯羅列崑崙蜿蜒龍灣水發源於此至高明溪與湫
水合古爲猺地後土民頓姓盛遂以名今頓亦式微矣

按陶志以頓家山巔曰老營坡謂袁志以爲鄜梁者誤鄜梁
固誤乃其下復列老營坡然今人皆呼爲老營坡而不知爲
頓家山卽詢之士人亦無確鑿可據之處

金竹山縣東南二百里與邵陽連界龍灣江水出焉